

Gorontalo - Salamati Kitabi - Salvation Scriptures

Epesus 2:2 Omo-omolu timongoli biyasa hetumula heturutiya adati lo duniya botiye wawu timongoli ta'ati ode tauwa lo lati ta kawa-kawasa duniya wawu ta masatiya hemokaraja to tutumulo tawu ta dila ta'ati ode Jehovahuta'ala.

Matiwus 6:10 Popodungga lomayi Yiladiya lo Jehovahuta'ala wawu popowaliya lomayi u okohondakiya lo Jehovahuta'ala to duniya boti debo odelo u to soroga.

Lukas 22:42 "Wu Jehovahuta'ala ti Papa, wonu motu'ude to hila li Papa, hamawa mola halati lo sikisa boti monto o-Latiya, bo dila kohondaki Latiya u mowali bo kohondaki li Papa."

Yahya 16:7-9 Openu odito, Wau mopolele mayi lo u banari ode olimongoli deu nonao-U boti lebe ohunaliyo ode olimongoli. Sababu wonu Wau dila monao, Ta moturungi boyito dila monao mayi ode olimongoli. Bo wonu Wau monao, Wau ma mopoahu mayi o-Liyo ode olimongoli. 8 Tou Tiyo medungga mayi, Tiyo ma motombangao ode tawu-tawuwala to duniya boti deu pahamu limongoliyo tilala tomimbihu dusa, tomimbihu ubanari wawu tomimbihu hukumani. 9 Pahamu limongoliyo tomimbihu dusa tilala, buktiliyo timongoliyo dila paracaya ode ola-U;

2 Timotiwus 2:10 Wau lodutola unga'amila boyito sababu momantu tawu-tawuwala ta tilulawoto Jehovahuta'ala, alihu timongoliyo olo mo'otapu salamati to delomo batanga li Isa Almasih wolo masahuru kakali.

Roma 15:20,21 Wawu wau hemongusaha mopotunggulo habari boyito to tambati lo tawu ta dipa motota li Isa Almasih, alihu wau dila momongu to yitato pandasi u ma bilongu mao lo ta wuwewo. 21 Odelo woluwo u tula-tulade to kitabi odiye, "Timongoliyo ta dipa lololimo habari tomimbihu Tiyo, ma mowali pahamu. Wawu timongoliyo ta dipa pe'enta mao lo'odungohe habari-Liyo, ma mowali mongarati." Odito u tula-tulade to kitabi.

Riwayati Lo Mongorasul 2:36,37 Wolo uodito, timongoli tawu lo Israel nga'amila mowali motota deu Jehovahuta'ala ta ma lopowali mao oli Isa ta ma silalipu limongoli boyito, lowali Eya wawu Olongiya ta pilojanjiya lo Jehovahuta'ala!" Odito u yiloiya le Petrus. 37 Tou timongoliyo lo'odungoheo pasali boyito, hila limongoliyo ma loantulu wawu Iole'e, lapatao timongoliyo lohintu ode le Petrus wawu

mongorasul wuwewo odiye, "Mongowutato, wolo u ma musi pohutuwo lami?"

Yahudi 4:2 Sababu habari mopiyohe lonto Jehovahuta'ala ma tilunggulayi olo ode olanto, debo odelo ode olimongoliyo ta yilumuwalayi lonto lipu lo Mesir. Bo habari boyito dila ilohunaliyo olimongoliyo, sababu tou timongoliyo lo'odungoheo habari boyito, timongoliyo dila paracaya.

Yeremiya 24:7 - Matiwus 22:37 Tameti Isa ode oliyo, "Otolianga mao Jehovahuta'ala Eyamu, wolo hilawo liya-liyat wawu wolo nga'amila jiwamu wawu nga'amila akalimu.

Riwayati Lo Mongorasul 16:14 Woluwo tawu ngota ta dila Yahudi to wolota lo mongobuwa boyito ta tanggu-tanggula ti Lidiya hemoloibadatiya ode Jehovahuta'ala. Tiyo tawu lo kota lo Tiyatira ta hemopotaliya lo kayini layilowungu. Tiyo hemodungohe u hebisala lami wawu Eya Iomuo mao hilaliyo, tunggulo tiyo lololimo pongajari le Pawulus.

Matiwus 13:14-16 To olimongoliyo boti ma leganapu wahyu lo Jehovahuta'ala loli oli nabi Yesaya u tingohiyo odiye, 'Timongoli turusi hepo'odungohe bo dila mongarati wolo-wolo. Timongoli turusi hepo'ontonga bo dila pahamu wolo-wolo u heontonga limongoli. 15 Sababu hila lo raiyati boti ma lowali lototoheto odelo botu; timongoliyo ma lotibungolo wawu lotipito'o. Wonu dila, timongoliyo ma mo'onto wawu mo'odungohe wawu mongarati, tunggulo timongoliyo motobati wawu Wau mopo'oluli mao olimongoliyo.' Odito Pirimani lo Jehovahuta'ala loli oli nabi Yesaya. 16 Bo mailuntungi timongoli sababu mato limongoli mo'onto wawu bulonga limongoli mo'odungohu.

Yesaya 6:9,10 - Riwayati Lo Mongorasul 28:27 Sababu hila lo raiyati boti ma lowali lototoheta odelo botu; timongoliyo ma lotibungolo wawu lotipito'o. Wonu dila, timongoliyo ma mo'onto wawu mo'odungohu wawu mongarati, tunggulo timongoliyo motobati wawu Wau mopo'oluli olimongoliyo.' Odito Pirimani lo Jehovahuta'ala loli oli nabi Yesaya."

Markus 4:11,12 Tametyo li Isa, "Timongoli ma yilohiya lo Jehovahuta'ala pongotota tomimbihu rahasiya lo Yiladiya-Liyo, bo ode ta dila umati lo Jehovahuta'ala uhetuwa-tuwawuwa piloposambewo-U wolo lumadu 12 alihu mowali ganapu Pirimani lo Jehovahuta'ala odiye, 'Openu boli hibilihe, timongoliyo dila motota wolo-wolo; openu boli timongoliyo hedungohe, timongoliyo dila mongarati, alihu timongoliyo dila motobati wawu ambunguwo lo Jehovahuta'ala.' "

Yahya 12:39,40 Woluwo olo tula-tulade to kitabi li nabi Yesaya alasani

longola tawu dila mowali paracaya. Ti nabi Yesaya ma loloiya deu Jehovahuta'ala ma loloiya odiye, 40 "Wau ma lopowali mao mato limongoliyo pito'o wawu lopowali mao hila limongoliyo mototoheto, alihu timongoliyo dila mowali mo'onto wawu dila mowali mongarati to delomo hila limongoliyo wawu timongoliyo dila motobati, tunggulo Wau dila mopo'oluli olimongoliyo."

Roma 11:7,8 Wolo uodito, dila nga'amila tawu lo Israel ta lo'otapu u helolohu limongoliyo bo ta tilulawoto Jehovahuta'ala. Wawu tawu lo Israel wuwewo mao hilaliyo pilohutu lo Jehovahuta'ala odelo totoheto botu. 8 Odelo woluwu tula-tulade to kitabi odiye, "Pikirangi wawu hila limongoliyo ma pilopohulodu Jehovahuta'ala, mato limongoliyo pilopowali lo Jehovahuta'ala didu lo'onto wawu bulonga limongoliyo pilopowali lo Jehovahuta'ala didu lo'odungohu sambe masatiya." Odito u tula-tulade to kitabi.

2 Tesalonika 2:10,11 Tiyo ma momake mayi totonulala akali moleto mopolapala tawu-tawuwala ta hetaluwa ode ubinasa. Timongoliyo mowali binasa, sababu timongoliyo dila lololimo wawu dila motoliango obobanari lonto Jehovahuta'ala u mo'osalamati. 11 Uwitolo sababuliyo Jehovahuta'ala mopodungga mao ode olimongoliyo kawasa u mo'olapalo, tunggulo timongoliyo paracaya lo u dila banari,

Matiwus 13:18-23 Ti Isa loloiya poli odiye, "Wonu odito, dungohi limongoli arti lo lumadu tomimbihu ta mommengila ngota ta lopomuayadu bili boyito odiye: 19 Bili u lodehu to bihu dalalo tou pilomuayadiyo mota, uwito lumadu tawu ta ma lo'odungohe habari lo Yiladiya lo Soroga bo dila motota lo artiliyo. Lapatao ionao mayi Ibilisi lohehu u pilomuayadiyo mota to delomo hila lo tawu boyito. 20 Bili u lodehu to huta o botu ngohuntuwa tou pilomuayadiyo mota, uwito lumadu ta ma lo'odungohe habari boyito wawu ma lato lololimo habari boyito to delomo hilaliyo wolo uwenga-wengahu. 21 Bo habari boyito dila longuwa'ato wawu dila lo'otahangi lohihewo tou ma medungga ususa wawu sembo lo arinaya, sababu habari boyito imaniliyo ma hua moluluto. 22 Bili u lodehu to hungo hiyambungo duhi tou pilomuayadiyo mota, uwito lumadu ta lo'odungohe habari boyito, lapatao bo hawatiri lo tutumuliyo to duniya boti wawu tiyo ohila mowali kaya. Sababu uwito, habari boyito lehupeta to hilaliyo tunggulo dila lomungo. 23 Bili u lodehu to huta suburu tou pilomuayadiyo mota, uwito lumadu ta ma lo'odungohe habari boyito wawu mongarati tunggulo lomungo mopiyoju. Woluwu ta lomungo mohetuto piu, woluwu ta lomungo

wolomopulu lopi wawu woluwu olo ta lomungo tolopulu lopi."

2 Korintus 3:15,16 Sambe masatiya tim'i idu tawu lo Yahudi mo'odungohe kitabi li nabi Musa boyito pobacaliyo mayi pikirangi limongoliyo tatapu heheuta. 16 Bo wonu tawu motobati, heuto pikirangi boyito ma yinggilo mao lo Eya monto oliyo.

Hoseya 11:3-7 - Matiwus 11:28-30 Ti Isa loloya poli odiye, "Dulo ode ola-U nga'amila tawu ta hewongola, ta hedutola ususa da'a. Timongoli ma bebasiya-U mayi monto u hetanggungiyo limongoli boyito. 29 Potala mao limongoli pasanga u monto ola-U wawu pobalajari mayi to ola-U, sababu Wau molumboyoto wawu hila-U mopa, alihu jiwa limongoli molopatao to ususa da'a. 30 Pasanga u monto ola-U dila mobubuheto wawu dudelo u peipota-U olimongoli mohelo."

Riwayati Lo Mongorasul 26:18 mota momuo mato lo hilawo limongoliyo, alihu timongoliyo molola mao umodiolomo ode umobango wawu monto kawasa lo Ibilisi ode kawasa lo Jehovahuta'ala, alihu wolo imani limongoliyo ode ola-U dusa limongoliyo ambunguwo-U wawu timongoliyo ma mololimo bahagiyangi u siladiya mao lo Jehovahuta'ala ode ta ma lowali haku-Liyo.

2 Timotiws 2:24-26 Wato lo Eya ngota dila mowali molohuluwa. Tiyo musi ramelo wolo tawu nga'amila, motota mongajari to tawu wawu sabari. 25 Tiyo musi wolo umolumboyoto mongohi mao potunu to tawu ta mo'owali mobutola wolo harapani, alihu Jehovahuta'ala ma mongohi mao hiyango olimongoliyo motobati, tunggulo timongoliyo mowali motota lo u banari. 26 Wawu pikirangi limongoliyo ma mowali mobango, sababu ma lolopatayi lonto kawasa lo Ibilisi u ma lo'otihuta olimongoliyo, alihu timongoliyo mohutu u okohondakiliyo.

Wahyu 3:17-19 Timongoli hepoloiyawa, 'Ami ma hekayawa wawu tutu'ude lomao; nga'amila woluwu to olami.' Bo dila otawa limongoli deu mayilaba misikini limongoli wawu mabo mo'ololo owwoluwo limongoli. Timongoli pito'o wawu helalawa. 18 Wau monasehati mayi olimongoli alihu timongoli motali hulawa tutu to ola-U wawu alihu timongoli mowali kaya. Timongoli olo potali kayini moputio to ola-U, alihu timongoli dilalo helalawa wawu dilalo molito. Potali mao olo wunema pomadeti mongoli mato, alihu mato limongoli mowali mo'onto. 19 Titalotita ta otoliangu-U, totalaliyo popotota-U mao oliyo wawu tiyo wumbade-U lo bubo'o. Sababu uwito, potito'otutuwa mola timongoli wawu potobatilo.

2 Korintus 7:10 Ususa motu'ude wolo kohondaki lo Jehovahuta'ala

momungo lotobati u mo'odelo ode usalamati wawu u dila mo'ole'e. Bo ususa monto duniya boti momungo lo opopate.

1 Olongiya 18:37 - God turned heart back to God

2 Korintus 4:4 Pikirangi lo tawu-tawuwala ta dila paracaya boyito ma pilitoa lo Ibilisi, alihu timongoliyo dila mongarati lo habari mopiyohu tomimbihu ti Isa Almasih ta gambari lo Jehovahuta'ala.

Lukas 8:11-15 Ti Isa loloiya odiye, "Utiye patujuliyo lo lumade boyito: Bili boyito lumadu habari mopiyohhe lonto Jehovahuta'ala. 12 U lodehu to bihu dalalo, uwito lumadu tawu-tawuwala ta lo'odungoheo habari mopiyohu. Lapatao Ibilisi ma ionao mayi lohama habari mopiyohhe boyito lonto delomo hila limongoliyo, alihu timongoliyo dila mowali paracaya wawu salamati. 13 Odito olo u lodehu to huta o botu ngohuntuwa, uwito lumadu tawu-tawuwala ta lo'odungohu wawu lololimo habari mopiyohhe boyito wolo uwenga-wengahu, bo imani limongoliyo dila longuwa'ato. Timongoliyo paracaya bo ngointa mola wawu tou odungga lo yimontalo, timongoliyo ma enggila lo imani. 14 U lodehu to wolota lohiyambungo duhi, uwito lumadu tawu-tawuwala ta lo'odungohe habari mopiyohhe boyito wawu to delomo tutumuli mongoliyo, timongoliyo ilohupeta lo uhawatiri lo okokaya wawu tumumula sanangi, tunggulo timongoliyo dila lomungo lo u mopiyohu. 15 Bo u lodehu to huta suburu, uwito lumadu tawu-tawuwala ta lo'odungohu wawu lolahu mao habari mopiyohhe boyito to delomo hila limongoliyo u mopiyohu, tunggulo timongoliyo ma lo'otahangi wawu timongoliyo ma longohi mayi hungo mopiyohu."

Riwayati Lo Mongorasul 15:11 Bo ma otawanto nga'amila deu ito ma silalamati odelo timongoliyo sababu toliango wawu karuniya li Isa Eya.

Roma 8:13 Wonu timongoli tumumula heturutiya kohondaki lo napusu lo manusiya, timongoli ma tantu binasa. Bo wonu timongoli tumumula heturutiya kohondaki lo Roh lo Jehovahuta'ala, timongoli mowali mopoberenti mao nga'amila huhutu lo napusu limongoli, tunggulo timongoli ma tumumulo.